

# Einschön Zied/von den

Zehen plagen/die Gott vber Egypten sens  
det/ Im thon als man singet vnser  
Frauen schiedung/ Oder  
den Graffen von  
Saffoy.: \*

AD BIBL.  
UNIVERS.  
MONAC.



**M**ich wundert von der welt gar sere / das  
man Gottes wort gar verachten ist aldo/  
vnd sein gepot veracht man weyt / alles in  
windt geschlagen wird alleine.

**E**s will keyn straff nit helffen mere / biss  
Got zu lezt wirt selb schlagen darein also/  
wie gelchehen ist zu der zeyt / inn Egypten  
mit Pharon alle die seine.

**S**ie verachten Gottes gepot / im andern  
buch Mose steht so klare / wie Mose schon  
geschrieben hat / die Zehn gepot vnd die  
plag merck fürware / Das erst gepot Got-  
tes ist ye / O mensch sich eben an / glaub inn  
einen Got on allen wan / vor frembd götter  
hüte dich / Pharon het vil frembder götter  
im landt / Got straffet in zu hand warlich /  
Die wasser verwandelt inn blut zu handt /  
darumb sie nit glaubten an jhn / Das ander  
gepot Gottes namen habt schon / vñ eer in-  
schon außerden hie / nit vnnützlich inn deis-  
nem mundt so fron.

**D**a kam die ander plag zuhande / vil zwä-  
gen gwacken der frösch damit ich bedeu-  
ten wil / die vnnütze der menschen leer / vnd  
wil riesatz der menschen schwer gewissen.

¶ Merck der fröschēn leer vnd jr schandes  
vnnd die ganz trostloß was bey jrer leer so  
vil mit auß dem wort Gottes kam her / als  
les auß dem geyl was jr leer geflossen. 195

¶ Wo solch leer vnd prediger sein / vnnd die  
das wort Gottes nit lassen klingen / die vns  
ter den Schöpffern reyn / den namen Gottes  
vnnützlich verbringen / Das sein zwage  
der frösch das wist / jr nemet nit an / bringe  
kein frucht der seligkeit ist ein wan / Das  
driet gepot mercket von Gott / den Seyrtag  
soll man heyligen inn der rhu / fridsam int  
geyst nach Gottes rath / in der lieb Gottes  
spat vnnf frau / also feyrt man den heyling  
tag / wo solch vnrhu ist / kummen die Muckē  
von / den Egypter geschehen ist / die Muckē  
klein stachen do yederman.

Solch klein vnrhu Mucken do kamen vñ  
liessen den Egypter do kein rhu der zeyt / als  
offt man sie veriaget hin / do kamen ander  
wider dar geflogen.

¶ Da vernemet mich alle samien / vnrhu ge  
wissen findet keyn stat sey euch gesagt / als  
menschen leer vnrhu helt inn / wirdt alles  
von menschen her gezogen.

**T**Das vierdt gepot seut vns Gott / du sole  
vater vnd mutter han in eeren/wiltu selig  
sein thut dir not/die tage dein inn der liebe/  
also meren/halt die alten inn eeren schon/  
Gott strafft Egypten landt/vnd gab jn die  
hundsmurcken da zu handt/wenn es ist nit  
menschlich gesindt/die ihr Eltern peyning  
sein auff der erdt/denn glück vñ heyl ganz  
verschwindt / die sein vor Gott keiner eeren  
mitwerd/sie erkennen Gott ihr Eltern nit/  
es ist ein hündisch wesen/wist all sandt/es  
ist peissen marren sicht man/vor Got ist do  
ein grosse sünd vnd schand.

**D**as fiinfft gepot Gottes so reyne / du sole  
nit unkensch sein zu aller zeyt auff erdt/inn  
der fleysehlichen wolust sich/wardt Egyp  
ten landt gestrafft vmb die siunde.

**W**ie die schufft innen helt alleyne / alles  
viech da starb in dem landt/schaff/ku vnd  
pferd/so wiltu leben wie ein viech/so stirbst  
du wie ein viech in der schrifft man finde.

**S**olch viehisch leben Gott gar bald/das  
der mensch an dem leyß gut muß verder  
ben/er sey so reych jung oder alt/Gott straf  
set jn das er baldt muß hyn sterben / zum

sechsten Gott verheit vns schon / in sternd  
tödt da zuhands / in zoren neydt vnnid hafß  
bist do vermant / vnd hab die lieb inn deiner  
hut / mit Gott vnnid dem nechsten dein bise  
jm wol / zoren neydt vñ hafß bringt kein gut /  
vnd die erunk'enheyt vñ der voll / die siindt  
wardt hart gestrafft / mit düssen beulen  
ganz Egypten landt / dadurch verdarb  
vil mancher man / vñ die tod schleger thut  
die schrifft bekant.

Das siibend gepot Gottes seine / du solt nit  
kelen noch vntrew sein zu handt / dem nech-  
sten dein kein schaden chun / an eer vnd gut  
bringt dir leyd fürware.

Wird ewig sein inn schwere peine / mercß  
vmb die siindt kam die plag inn Egypten  
landt / hagel der frucht grausam daouen/  
wo vnrecht gehandelt wird offensbare.

Was mann dem rechten schaden thut /  
das ist alles gestolen / vnd geranbet / schina-  
den schaben im schweyß vnd blut / wuches  
rey geet auch damit das glaubet / räuberey  
unter dem tacht ist / Gott strafft die siind-  
lich art / mit dem hagel groß do zu seiner  
fart / wie es in der welt vmmre geet / da sehe

ein yeder mensch eben zu / wie vor Got noch  
 da besteet / die siind hat weder frid noch rw/  
 nun mercket anss das Acht gepot / du solt  
 keyn falscher zeug nit sein so hart / die siundt  
 ist groß recht wie man list / die strafft Got/  
 tes allezeyt nit darauff wart.

Wo man vnrecht zeüget firware / Gott  
 straffet Egyptē landt vmb die siunde hart/  
 mit Zewschrecken im gantzen landt / die  
 frucht namen schaden dawon außerden.  
 ¶ Falsch zeügen bringt schaden all dare/  
 dem nechstenn dein verderblich ist zu aller  
 fart / mit liegen triegen da zu handt / strafft  
 Got die welt das mercket schon jr werden.  
 ¶ Das Neind gepot steet also / deines nech/  
 sten gemahel solt du nit begeren / die siundt  
 schwecht leyß vnnnd gut aldo / der mensch  
 verplendet wirdt an seinen eeran / Egypten  
 land kam in die not / ein finsternuß in kam/  
 vmb die siunde groß wie Mose vernam / die  
 Sunn verlur den iren scheyn / es weret ein  
 zeyt lang das bracht in leydt / so wirdt der  
 mensch verblendet allein / vñ die verdam/  
 ten siind wie die schrift seydt / das er nicht  
 weyß wo er hin gehet / in die finsternuß des

teuffels sein zam / do geet der mensch auch  
ein so trot / da vor vns Gott behütten ist all-  
sam.

Das Zehendt gepot Gottes seine / du solt  
deines nechsten gut nic begeren trot / vnnnd  
alles was dein nechster hat das wißt / Gott  
strafft die siind hie vnd dort ewiglichen.

Vmb dise siind strafft Gott alleine / das  
ganz Egypten landt mit einem jehen tod /  
das erst geboren wie man list / in eim yeden  
hausz sturb so bermiglichen.

Vnnnd das geschach in einer nacht / also  
strafft Gott die siinde groß außerden / der  
nach vnrechtem gut betracht / der verleürt  
das ewig gut merckt jr werden / die erst ges-  
boren frucht so gut / den waren glauben ye-  
denn verleürt er zu der zeyt merck als wie  
all seine werck sein todt vnd ab / wie im der  
glaub entgeet Gottes wort / leßt sich auß  
zeytlich gut vnd hab / der felt in solche siind  
an manchē ort / wie vns die schrifft bescheyt  
den kan / bleybt in der lieb Jesu Christi / der  
halt vns stet in seiner hut / sprecht all Amē.

Christoff Gutknecht.

200